



## **Universitätsbibliothek Paderborn**

### **Vera Concilii Tridentini Historia**

Contra falsam Petri Suavis Polani narrationem

**Pallavicino, Sforza**

**Antverpiae, 1670**

Capvt VIII. Armorum tumultus Tridenti inter varias Nationes, aegrè tandem sedati. Caesaris litterae ad Praesides, & ad Pontificem, & quatuor ipsius postulata. Alterae ipsius ad eumdem litterae ...

**urn:nbn:de:hbz:466:1-11718**

lucis ac fulcimenti sub Paulo III. attulerat Generalis Magistri conditio. Ijs quæ ille in vtroque statu ibi egerit sapientiæ, consilio, studio & exemplo, nostra historia pluribus in locis scatet. Possemus in animum inducere, ipsum à fortuna male habitum, quippe denegante perfectum ab eo conspicere ædificium illud, cuius idem tam præcipius architectus extiterat, si fugeret è memoria, veram fortunam Deum esse, atque animis virtute præditis non auferri, sed augeri voluptatem ob res prosperas Religionis in terris, cùm ipsis ea licet è celo spectare.

## C A P V T      V I I I .

*Arborum tumultus Tridenti inter Varias Nationes, agrè tandem sedati. Cæsari litteræ ad Præsides, & ad Pontificem, & quatuor ipsius postulata. Alteræ ipsius ad eundem litteræ arcanae; & Pontificis ad utraque responsum.*

**A**ugendum Legatorum angorem ex dupli morte, alterâ iam spectatâ, alterâ tunc tantummodò formidatâ suorum Collegarum primæ notæ, maximæque auctoritatis, togatis paulò antè certaminibus accesserant armata. Octauo<sup>a</sup> Martij iurium coortum fuerat inter complures famulos duorum Episcoporum, Galli & Hispani, in quo Gallus quidam lethalem plagam accepit: & rumor fuit (verâxne an pro more famæ, quæ fortunæ propitiæ aduersari solet) vim iniquius illatam illi fuisse, quippe quod plures Hispani in Gallum irruerant; adeoque quidam ex Italî ac curreunt, illum aut adiuturi, aut vindicaturi: hinc Hispani in Italicam nationem commoti, cœperunt quemcumque Italum, quem inermem offendissent, male habere. Quâre frequentes in rixas itum est, per quas non effusas, sed enutritas irâ atque odio, eò deuentum, ut amplius Præsules non auderent famulos extra domum mittere; nec etiam ipsi famuli prodire, siue audiendi Sacri, siue cœtus adeundi causâ, nouas semper turbas extimescentes, præsertim ob inductam consuetudinem conclamandi, *Italiam, & Hispaniam*, quod multitudini temerariæ ac leui prælij signum sonabat, quasi ex fideli studio in gentis suæ dignitatem. Conuentibus à Legatis dies aliquot intermissis, præcipios interim Nationum Episcopos conuocarunt, quod pax componeretur; sed nihil peractum: & duodecimo Martij tantâ armatorum frequentiâ concursum est, ut conflictus potius quam rixa videretur, multis aut occisis, aut vulnæ-

a Duæ Legatorū ad Borrom. 15. Martij 1563. & Diarium 8. in quo aliquid variat ob ea, quæ Legati narrant.

1563.  
Ex variis  
legitimis ta-  
bulis penes  
Auctorem,  
in quibus et-  
iam confit  
datam fuisse  
postea à Le-  
gatis Pog-  
giolino ex  
parte ipso:ū  
jurisdictionē  
illius præfe-  
atur.

vulneratis. Legati in tam horrifīco tumultu opem petierunt non solum à Tridenti Præfecto Dario Poggiolino Imolensi<sup>b</sup>, sed etiam à Duce militum Cæsareo, viris custode, qui per confutum aeris campani sonitum bonam militum manum in foro cœgit, quibus tunc tumultus repressus; sed illicè terrore sedato furor exarsit. Quare Legati per expeditum tabellarium monuerunt Madruccium Cardinalem, qui Brixinone non longè Oeniponte Comitia præstolabatur, & Nicolaum ipsius parentem, ut redirent, rebusque adeò perturbatis consulerent, ac frenum injicerent. Sed cunctante Cardinalis responso, & ægrotante ipsius Parente, adeoque itineris impotente, nec ordinario militum præsidio viribus satis pollente ad inquietos coercendos, nihil suppettebat opportunius, quam ut arma cunctis demerentur: quod principio succedere non potuit; siquidem Lotharingus inter denuntiatas sibi suspicione de paratis vita insidijs armatam familiam postulabat, nec peculiari custodiæ publicorum armatorum, à Legatis exhibite, acquiescebat. Quod autem Lotharingus iuste incolunitatis sua suspicione petebat, idem ab alijs nimia quādam dignitatis sua re-lotyphâ petebatur. Lansacus existimabat, sui muneri honori debent huiuscē priuilegijs indemnitatem, sine vlla numeri limitatione, & ne scripto quidem traditis suorum famulorum nominibus, quō venia simulatis discernerentur. Quare neque pariter Hispani se inermes esse patiebantur: & ex inopia opportuni consilij sex iam dies conuentus intermissi fuerant; cum demum Legati cunctis Oratorib[us] accersitis aperte denuntiarunt, Si vellent Tridenti Concilium, opus esse ut pacem quoque Tridenti vellent, & ubi animi ita feruerint, nullam iniri posse rationem pacis, nisi subtraetis instrumentis belli, nimirum armis. Quapropter idoneum tempus non esse custodiendi tenaciter priuilegia, quæ in alijs rerum conditionibus faciunt ad pompa ostentationem, nunc verò ad sanguinis effusionem. Et quoniam tam diu perdurat in vano pertinacia, quamdiu non animaduertitur eadem solidò nocere; cum abhorrent omnium Oratorum animi à dissolutione Concilij, in hoc conuenerunt, ut honoris gratiâ ipsi, & certo famulorum numero liceret arma gestare, ita tamen, ut eorum syllabus Magistratu traderetur, appositis nominibus, distinctisque tesseras, fallaciæ haud obnoxij: ut idem concederetur extra omnem limitem Lotharingo ob proprias & cognates causas. Sed cum eiusdem syllabi vinculo cuiuscumque alterius familiæ illa interdicerentur: & sicuti efficacissima prohibitio, in quo quod ratio decori postulat, est superiorum exemplum; ita Legati

legi

1563.

legis obseruationem à suis familijs cœpere. Hoc pacto extinctus tu-  
multus, & die postero 16. Martij conuentus habiti. Plurimum au-  
tem posteā contulit quietis firmitati Cæsareum edictum, vt qui-  
cumque in rixa deprehensus, Tridento exularet.

2 Non tamen otia batur negotium, cœtibus otiantibus. Reuersus  
fuerat ab Aula Cæsaris Drafcoius, litterasque à Ferdinando ad Legatos scriptas attulerat, & aliarum litterarum, quæ ad Pontificem mittebantur, exemplar; simulque Præsides orabat, vt suam ipsi ope-  
tam apud Pontificem impenderent super petitionibus illic expositis. 1563.

Prestolabantur illi post huiusmodi colloquium Oenipontanum, &  
post tot consilia Ministrorum Theologorumque, grandiorē  
quendam partum, & fortasse formidabiliorem. Sed neque Drafco-  
uius voce quidquam addidit præter ea quæ scripto exponeban-  
tur, neque hæc ipsa quidquam summatim continebant, nisi post  
vniuersalem querimoniam quatuor peculiaria postulata. Queri-  
monia in eo vertebatur, quod Synodus non procederet ordine à  
Principibus sperato, & Christianis necessario: quod plures menses  
fine vila Sessione abiissent; & quod dum expectabatur Patres re-  
conciliationem dissidentium curaturos, iplos inter se dissidere &  
concertare audiretur, graui fidelium offensione; cui malo Cæsar  
Pontificem rogabat vt remedium admoueret.

Primum ex quatuor capitibus exponebat: Rumorem esse, de dis-  
solutione aut suspensione Concilij cogitari; ad quod fortasse im-  
pelli Pontificem à memoratis dissensionibus: sed à Cæsare pro sin-  
gulari filii reuerentia illi significari, sibi aliam omnino sententiam  
esse. Hinc excitum iri in multis desperationem, in multis despe-  
ctum, in quamplurimis offensionem, id tamquam fugam ab agi-  
tata morum emendatione interpretantibus. Ex eo magnum discri-  
men imminere: populos, quasi in naufragio, se projecturos velut  
ad tabulam, ad Synodos proprias Nationum, quæ Religioni tam  
noxiæ ab ipso Pontifice censebantur, & è contrario à tot Prouinciis toties fuerant efflagitatæ.

Secundum continebat præualidam petitionem, vt in Concilio  
plena libertas concederetur, quâ fas esset Oratoribus & Episcopis  
proponere quidquid ipsi arbitrarentur consentaneum retinendæ  
Religionis, & obedientiæ Pontifici debitæ, ac conducibile Regnis  
peculiaribus; atque vt non minùs frueretur Synodus eâ liberta-  
te in dicendis sententijs, rebus ita constitutis, vt decerni pos-  
set sine mora configiendi aliò (quod Romam significabat:)  
huiusmodi esse maiorum exempla; nec oportere Christiano-

Pars III.

D d d

runa

ORIÆ  
ili Tric.  
S III.  
1563.



1563. rum animos, adeò exulceratos ac perturbatos, irritari nouis modis inductis

Tertium, sollicitum emendationis studium expromebat. Hic petebat à Pio Ferdinandus per summam reuerentiam, ut sibi censu persuaderet, id ab ipso non dici quod derogaret siue sapientiae fine probitati singulari Pontificis, siue eiusdem prærogatiæ atque auctorati, ad quam tuendam paratus erat & regnum & vitam impendere: sed solum, quia cum varia fuissent ad se perlata quæ animos à Sede Apostolica potuissent auertere, suum esse officium estimarat (quippe qui eiusdem se filium primogenitum, & Ecclesie Patronum profitebatur) ea illi significare, ut pro sua prudentia, & ope Diuinâ imploratâ, ijs consuleretur; ad quod quidquid ipse conari posset, vna pollicebatur.

Postremum dicebat: Cum in Historijs legeretur, plurimum septem Concilij profuisse summorum Pontificum Cæsarumque prælatiam; prompto se animo esse ad cuncta incommoda toleranda, cunctaque negotia negligenda tam sacrosancti operis gratia, atque ad id quoque Pontificem cohortari.

De negotio emendationis, intra formulas vniuersales hanc stolam continuit Cæsar, non sine quadam Legatorum admittente: id tamen ab eo factum est, propterea quod de eodem argomento altera eodem tempore scripta ab ipso fuerat ad Pontificis arcana, & Legatis ignota, rato eam formam rei subiecta magis consentaneam: nos, quod minus lectoris memoria defatigetur, atque prius summam responsionis publicæ ad epistolam publicam apponemus, dein summam occultæ tum epistola tum responsionis continentem afferemus.

*d 18 Martij  
1563.* In publico responso a initium ducebat Pontifex à laudibus consuetis, pietatem Cæsaris extollentibus, cum ipsas quoque Patrum dissensiones improbareret.

Quod spectabat ad primum caput, existimabat pariter, summa offensioni futuram quamlibet suspensionem: sed affirmabat, nonquam se animum ad eam adiecisse, quin magnorum Principum cœhortationibus in eo repugnasse. Ad secundum: Amari à se Concilij libertatem, præsertim in ferendis sententijs: facultatem proponendi directè Præsidentibus reseruari, pro eo quod fieri conuerat in recte constitutis communitatibus; atque de eo conuenienter eamdem Synodus ab initio, concordi sententiâ, uno vel altero exceptis: sed yelle se, ut Legati postulationibus Oratorum, ac præsertim Cæsarianorum, satisfacerent. Quod si in eo deessent, polluti

batur se rebus prospecturum : sibi tamen displicere Patrum discordiam de articulis quos Legati non proposuerant , nec Lutherani oppugnarant.

De tertio, Nauiter à se animum intendi ad disciplinæ correctiōnem , & iam rem inchoatam fuisse in Aula Romana , nullâ cuiusvis iacturæ suæ habitâ ratione. Postremò ad quartum respondit, Nec angustias sterilitatemque Tridentinas duabus Aulis tam amplis capiendis satis esse , nec ob propinquos Rhætos Heluetios. que hæreticos ac Protestantes tutum ibi domicilium futurum, cùm adhuc memoriarum obuersaretur fuga Oeniponte iniustissimi Caroli Quinti. Præterea sibi non licere Româ adeò recedere sine tumultu discrimine, propter terrorem classis Othomannicæ. Suum denique accessum ad Tridentinam urbem detrimento futurum fuisse , vt qui ad opprimentam Synodi libertatem tendere videtur. Suum tamen Bononiam aduentum à se offerri ad Cæsarem coronandum, quòd fortasse Concilium sponte se contulisset , ibique à Pontifice disciplinæ leges pro Cæsar's arbitrio magna ex parte statutum iri : sed cuncta ut copiosius per nouum Legatum Moronum ipsi exponerentur , se curaturum. Hanc sententiam dux publicæ mutuæ litteræ complectebantur. Iam de arcans.

Initio arcanae suæ epistolæ Cæsar in Pontificis memoriam redigebat humanam mortalitatem , adeoque necessitatem emendationis maturandæ, antequam ab aliquo infortunio cœptū opus præcidetur; quin nimis diu protractam iam fuisse Concilij conuocationem.

Primo loco videri sibi formam excogitandam esse , quâ Pontificis electio omnino sancte recteque haberetur , ac potissimum sine villa Simonie suspicione ; siquidem à sano capite in membra reliqua sanitas deriuatur. Hinc gradum faciebat ad creationem Cardinalium & Episcoporum , commemoratis dotibus quibus illi opus haberent; monebatque quantum ab eorum opera , exemplo atque existimatione bonum ac dignitas Ecclesiæ dependerent ; & tamen ex utrisque conspici nonnullos gradu inferiores , parum honorificos , ac parum utiles eidem Ecclesiæ. Et quoniam ex Episcopis alij à Pontifice promouebantur , alij nominabantur à Principibus, alij ab Ecclesiasticis Collegijs eligebantur, primi atque alteri experimento plerumque deprehendebantur reliquis meliores; dubitari posse de huiusmodi electionum sinceritate , adeoque ipsis prospiciendum.

Angebatur postea Cæsar aliquantò liberius quam in publicis litteris , quod omnia Romanæ deliberationi committerentur ; &

D d d 2

quod

1563. quod ibi prius in cœtu Pontificio quam in Tridentino agitarentur, ac proinde videri duo extare Concilia. Satius ex opposito esse, ut Pontifex ab Oecumenica Synodo consilium caperet, quam à suo peculiari conuentu, atque ut ex ea comprobante leges quoque ad Pontificia Comitia, Romanamque emendationem spectantes ipse constitueret.

Dein extremam necessitatem ostendebat mansionis Episcoporum apud suas sedes: de quæstione id temporis agitata, diuini necne iuris ea esset, locum dari suspicioni, complures Episcopos ad eam partem propendere, quam Pontifici gratiorem arbitrarentur. Præterquam quod in tres classes Episcopos diuidebat, alios aspirantes Purpuræ, alios pauperes, alios opulentis Ecclesijs dotatos, & ipsi contentos: dubitandum non esse, postremos sententias suas sincere dicturos; sed suspicioni causam suppetere, utrisque prioribus mansionem molestam futuram. Breuiter à se rogari Pontificem, utrum ipse cognosceret id sibi fas esse secundum Deum, sineret eam definitionem progredi. Et quamquam ipse Pontifici minimè negret auctoritatem relaxandæ mansionis, ab eodem tamen se petere, ne vniuersalis utilitatis gratiâ eam exerceret.

Auerteret Deus, adiiciebat, ut sibi caderet in animum aduerfan Pontificis auctoritati, à Christo illi tradiæ, quâ idem secundum ipsum Christum in terris Ecclesiæ caput erat. Tamen defendendam quidem esse à Pontifice Pontificiam auctoritatem, cui suas omnes vires iterum ipse offerebat; sed ita defendendam, ut palam fieret, in eo non nisi Diuinam gloriam, incrementum Fidei, & Ecclesiæ utilitatem quæri.

Hæc epistola ut liberis ac significantibus formulis referta erat, ita in principio, in medio, in fine demulcebatur officiosis vocibus exultationis, reuerentiæ, subiectionis; præcipue vero illæsum praestabat à quavis leuissima labecula tum Pontificem ipsum, tum ipsius potestatem: quin utrique plurimum venerationis exhibebat. Addebat Cæsar, Seorsim ab altera hanc à se datam epistolam, propter quod nouerat illam per complurium manus ituram. Suo charactere hanc exaratum à se non esse, ne Pontificis oculos scabrosa illius forma defatigaret; adhibitum tamen fuisse ministrum fidelissimum, & cuius calamo in arcanis grauissimis vtebatur: à Pontifice se poscere, ut consimilis ministri operâ ad ipsum rescriberet. Adicit ad calcem versus aliquot suo chirographo, amorem obsequiumque spirantes, per quos Tridentum rursus Pium inuitauit.

Pontifex in hanc sententiam respondit: Se prudenter admonet, à Ce-

Caesare propinquus transitus ab hac vita mortali : defixum in eo animum a se geri , & interalia, quæ ad terrificum illud iter ipse parabat, non intimo in loco esse studium sollicitum Ecclesiæ , sibi à Christo commissæ, reformandæ. Meritò affirmari à Caesare, incredibiliter interesse Christianæ Reipublicæ rectam sinceramque summi Pontificis electionem: editas super eo fuisse à superioribus Concilijs ac Pontificibus tam sanctas prudentesque leges, vt nihil superaddi posse videretur: verumtamen quod abusus omnis eradicetur, promulgatum à se fuisse recens diploma , cuius exemplum ad eummittebat. Libenter , antequam illud ederet, cum Synodo à se communicatum iri , quod posteà ab illa probatum vulgaret: sed quod minus id faceret se abstinuisse, quippe præteritas dissensiones expertum ; quæ experientia sibi compertum erat , aegrè quidquam vñquam confectum iri in tantæ molis negotio, tot capitibus, tot animaduerzionibus obnoxio. Quare perinde fuisse illud diploma Synodo committere, ac efficere non ut trutinæ exponeretur , sed ut hæreret in fabulo. Idem quoque respondebat de reliquis Aulae correctionibus : quas tamen aiebat à se non nisi auditis plurimorum præstantissimorum hominum sententij consuetui: si diploma memoratum vellet Synodus solemniter comprobare, gratissimum sibi fore. In animo sibi non esse nouos Cardinales eligere ; sed vbi ad id inclinaretur , studium à se impensum iri ad eos eligendos ijs ornatos dotibus, quæ à Caesare postulabantur, ac ea de re Moronum Legatum plenè cum eo collocuturum. Aquis votis optabile esse , vt idem proportione seruaretur in Episcopis: & huic rei iam consuluisse Concilium Decreto suo; quod ut custodiretur se curaturum, adeoque ut admouerentur Ecclesijs homines digni, ac prius in ipsorum anteactam vitam moreisque diligenter inquireretur, nec minus ut seuerius acta consueta formarentur.

De eo quod spectabat ad mansionem, Se optauisse ut Synodus decerneret, & apud se statuisse eius Decretum comprobare. Sed ad id usque temporis plurimum fuisse decertatum , decretum nihil, propter sententiarum varietatem. Nunc in animo habere se, vt, siue declarareretur mansio esse legis humanæ siue Diuinæ, ab omnibus ea iniuolate seruaretur, & vel ab ijs Cardinalibus, quorum administrationi Ecclesiæ committebantur: quandoquidem rei necessitatem intelligebat, eo præsertim tempore, quo in omnem ferè prouinciam heresis contagio serpebat , & Christi ouili opus erat suorum Pastorum præsentia.

Velle se, vt integrâ libertate Synodus frueretur; neque vñquam

D d d 3

præce-

ORIÆ  
iliy Trid.  
s III .  
1563



1563.

præcepisse, ne quid ibi stabiliretur se inconsulto. Interdum tamen euenisce, ut in quibusdam magis arduis ipsum Legati consuluerint, nec à se consilium suum potuisse aut debuisse denegari. Nihil hoc aduersari libertati; quin nec inconueniens, nec insolitum fuisset, si Synodus ipsa sententiam rogaret Apostolicam. Sedem, primam Ecclesiæ Cathedram, & veritatis magistrum. Nec speciem duplicitis Concilij præberet, quod Concilium superiori suo coniunctum cerneretur, magis quam in homine duo corpora appareant, quod membra coniuncta & obtemperantia capiti videantur. Nihil pariter dedecere, si Pontifex, quod reddat Legatis petitum à se consilium, consulteret Cardinales eximiae prudentiae ac doctrinæ; præsertim cum suæ mentis non esset, ut ipius consilia Synodus cogerent ad ea amplexanda.

Grates agebat de oblata per omnem virium conatum defensione Pontificiæ auctoritatis, de qua admodum piè scribi à Cæsare, & secundum etiam Pontificis mentem, dum monebat, sustinendam custodiendamque eam non esse, nisi ad Dei gloriam, & emolumen-  
tum Religionis.

Ad initiationem Tridentinam ea summatim repetebat, quæ fu-  
sius in altero diplomate disseruerat. Rei veritas ita se habet, hæc  
duo Pontificis responsa ad Cæsarem, quorum summam attulimus,  
& quorum exemplar in volumine litterarum Pontificiarum con-  
netur, parata quidem, sed non missa fuisse; cum videretur mat-  
ria vasta, ac digestu prædura, necesse habere ut paulatim à calore vi-  
tali halitus concoqueretur. Quare illorum vice Pontifex breuer  
ad Cæsarem rescripsit, ipsum commendans ob eiusdem pietatem  
in Pontificem, Sedemque Apostolicam, ob studium utilitatis con-  
ferenda Christianis gentibus ex correctionibus ab eo propofitis, nec  
minùs ob denegatam ab eodem fidem falsis rumoribus. Dein signi-  
ficauit, responsiones ad singula capita, Cæsari, ut ipse certò crede-  
bat, acceptas, redditum iri coram à Morono, utrique ipsorum pro-  
batissimo, qui brevi Legatus ad ipsum iturus erat, præter legatio-  
nem Tridenti postmodum ab eodem exercendam. Interim certo  
esset animo, se nec suspensionem nec dissolutionem velle Synodi  
se coactæ, ac retentæ tanto labore, tantoque tot Principum auxi-  
lio; sed honestum ac fructuosum exitum, cum ea morum emenda-  
tione, & cum eo Christianæ Reipublicæ bono, quæ curæ atque spei  
præteritæ responderent.

Iam verò non modò Suauem latuit, hæc responsa fuisse solū  
concepta, non parva (quod magno vitio illi non verterem) sed in  
narran-

220. Martij  
1563.

1563.

narranda tum earum , tum litterarum quas Cæsar scripsit , sententia , palam facit , ad se peruenisse crassam quamdam & confusam quasi umbram , ad cuius normam ipse postea confidit eorum sententiam à se depictum iri , pro eo quod sibi verisimile visum est . Etenim non modò tacitus omnino præterit distinctionem publicæ arcanæque epistolæ mutuæ , sed nec nisi modicam partem veræ præcipuæque illarum summæ recenset ; & è contrario somniat , ibi à Ferdinando quæstionem institui cum Pontifice , an Cæsar , aliorumque Principum consensus necessarius sit & conuocationi & dissolutioni , suspensioni Conciliorum , appositis prolixis responsis probationibusque Pontificis pro absoluta sua potestate : quod neque rerum conditionibus , nec Ferdinandi reuerentiæ congruebat . Quare Suavis in his depingendis non inquam verum narravit , de quo parum laborabat ; sed nescijt illud configere , quam artem profitebatur . Prætereà Cæsarem inducit in Romæ contumeliam multa iactantem , de quibus modestus ille cordatusque Princeps nihil ad Pontificem scripsisset . Æquè insuper falsa est longior querimonia , quam idem adducit in Pontificis responso , aduersus eos , qui dissertationes habebant in Concilio ad oppugnandam auctoritatem , Sedi Apostolicæ à Christo impertitam in Ecclesiam vniuersalem ; & quædam iracundior punctio , in qua diceret , reliquorum Principum Aulas minus reformatas non esse : & cum Cæsar enumerasset multa ex depravatis moribus incommoda , omnium maximum , & reliquorum fontem , silentio fuisse ab eo prætermissum ; nimirum , eos quibus lex à Concilijs accipienda erat , velle Concilijs legem dare . Enimuerò illis epistolis , meram benevolentiam urbanitatemque redolentibus , ne granum quidem aspergebatur illius alocës , quæ in hortis solùm Suavianis nata est , quamquam colocynthis potius quam aloë dicenda est ; huius siquidem amarities seruat corpora , illius verò corruptit .

Verax tamen est , dum refert , præter hæc à Ferdinando litteris significata , Delfinum Nuntium scripsisse<sup>f</sup> , Seldium , egregium Iurisperitum , magnum Cæsar's Cancellarium , conatum fuisse illi persuadere , omittendas esse voces illas , vniuersalis Ecclesiæ , ne molesta litigia suscitarentur , & ne Cæsar aliquæ Principes ad expromendam in hoc mentem suam traherentur ; atque in hanc sententiam cum ipso Nuncio Cæsarem postea locutum fuisse<sup>g</sup> . Quare fieri cœpit , Theologicas Tridenti controuersias non per verba componi posse , sed per silentium , quod sæpè sicut umbra , quamvis in se nihil sit , optimum est ut alijs bene sit .

f Litteræ VI  
cecomitis ad  
Borromæum  
18. Martij  
1563.

g Litteræ Le  
gatorum ad  
Borromæum  
18. Martij  
1563.

## CAPVT

